



dunia-raja

WANITA

Berkenalan dengan:

Wanita pertama dapat selendang merah Silat Lincah

22 DEC 1982

Saya rasa selamat kalau kita tahu sedikit sebanyak rahsia pertahankan diri. Bukan kita minta yang buruk, tapi kata orang, lebih baik bersedia sebelum terjadi. Dunia sekarang tidak seperti dulu. Musuh tak dapat kita kenal. Jenayah berlaku tak kira waktu atau tempat

22 DEC 1982 ★ ☆

Ilmu silat memang mengasah pemikiran. Kita bukan saja mesti tangkas gerak-geri, tapi harus cepat berfikir. Kaum wanita mungkin lemah. Kalau nak suruh lawan tumbuk, tak tentu menang. Rahsianya terselit dalam kecerdasan berfikir serta ketangkasan gerak laku. Kalau kita tahu apa yang hendak dilakukan musuh, tentu kita bertindak sewajarnya

PANAS terik sinar suria membakar tubuh. Hampir sejam mereka berjemur. Biar peluh menyimbah badan namun kaki tidak berganjak dari tapak menanti. Perwira dan srikandi bangsa berdiri gagah — gerak langkah warisan pahlawan lampau hidup kembali dalam sanubari anak watan.

Hari Ahad, 12 Disember lalu, adalah saat yang besar maknanya kepada ahli-ahli Silat Lincah negara. Ketabahan serta kegigihan mereka menampung ilmu di dada kini membuahkan hasil. Wakil Pertubuhan Seni Silat Lincah seluruh negara berkumpul untuk memeteri rasa cinta terhadap kesenian yang di-

PETICAK SILAT

sanjung. Mereka yang berjaya, menerima anugerah dengan penuh bangga. Selendang dipakai menyelempang tubuh. Gerak semakin pantas ...

Seni Silat Lincah telah lama bertapak di kalangan masyarakat. Ia berjaya memikat minat ramai anak-anak bangsa untuk mengasah pengetahuan tentang selok-belok seni mempertahankan diri.

Mahaguru Hj. Omar-din Mauju, sebagai pengasas Silat Lincah ini, telah mengembangkan seni ini ke seluruh pelusuk negara. Kini

gelanggang-gelanggang Pertubuhan Silat Lincah bertabur di tiap negeri. Dengan keahlian hampir 40,000 orang, perkembangannya amat menggalakkan..

Jejari bergerak pantas mengesat peluh di dahi. Perhatian tertumpu pada tubuh tegap bersampin-bertanjak. Selendang merah menyelempang tubuh.

Jelas terukir rasa bangga di wajah tenang. Beliau adalah wanita pertama mencapai taraf kemahiran begitu tinggi dalam gelanggang seni Silat Lincah. Kejayaan beliau bererti satu keme-